

ӨЗГЕРІСТЕРГЕ БАЙЛАНЫСТЫ ӨЗ ОЙЫМ...

Әлемде болып жатқан өзгерістер біздің елді де бей-жай қалдырмағаны сөзсіз. Соның ішінде доллардың көтерілуін айтпасақ болмас. Бірақ, басты байлық-денсаулық болғандықтан, Тәж тажалы бізді уайымға салып қойғаны анық. Бұл жайында, елдің белді тұлғалары, бұл мәселенің шешімін табуда күрес жүргізіп жатқаны анық. Енді үйде отырған халыққа бұны ойлау үшін не істеу қажет, уайымға берілмес үшін не жасау керек? - деген сұраққа келсек,

-бұл, білімін шыңдағысы келетіндер үшін, берілген уақыт,

-бұл, миды тынықтырып, бір сәт барлығына көз жүгіртуге берілген уақыт,

-бұл, қосымша білім алып, өзімізді дамытуға бөлуге берілген уақыт, деп, әр істің қайырын үйде отырып іздесек, бұны да жеңеріміз анық.

Еш сақтама, жүрегіңе ыза, кек,

Әр уақытта, жақсылықты ойла тек.

Бір Алладан қол жайып біз сұраймыз,

Тәж тажалы елден ерте кетсін деп!

Осы тұрғыда, Қазақстанның жарқын болашағы үшін қандай да бір іс тыңдыруға міндетті екенімізді естен шығармайық! Сол үшін, қолдан келгенше, басшылардың айтқан ақылын тыңдап, құлақ асайық. Сонымен қоса, тағы бір айта кетерлік жағдай бүгінгі таңда қара шаңырақ ҚазҰУ студенттерінен өзіміздің күтер үмітіміз орасан зор. Себебі, олардың бойындағы қайсарлықты, шабытты, ұмтылысты көргенде, осы жастар біразды таңқалдырап адам болады дейміз.

Мақсотова Маржан, Султанов Алихан., Мукамеденқызы Венера

ҚАЗҰУ-дан ШЫҚҚАН ЖАС ТҮЛЕК

Бұл шығармаларды еліміздегі ең озық білім беретін қара шаңырақ әл-Фараби атындағы Қазақ Ұлттық Университетіне арнағым келеді. Оның да өзіндік себебі бар. Бала кезден армандап, қиялдап түсетін қаншама түлек, бүгінгі бірі ата, бірі ана атанып отырған жайы бар. Солардың бірі, Жас ана Сейтхан Ақеркенің әлеуметтік желідегі көңілден шыққан ойы жанды тебіренетеді. «Өзім білім алған қара шаңырақ өскелең ұрпақ, нағыз маман даярлауда болашақ маман иелеріне барлық жағдайды қарастырып, жоғарғы деңгейде білім алуларына ықпал жасап отыр. Университетіміздің бой көтергеніне 85 жыл толған білім ошағы өз тарихында көптеген жетістіктерге жетті. Қала ішіндегі «Қазғурад» қалашығы деп аталып кеткен құтты мекенде студенттердің білім алуына барлық мүмкіндік жасалған. Ә.Жолдасбеков атындағы 1600 орындық студенттер сарайы, ТМД елдеріндегі жалғыз үлкен ауқымды «әл-Фараби» кітапханасы, спорткешені мен стадион, жаңа ғимараттар, әскери кафедра, технопарк, 5000 студентке арналған студенттер үйі, медициналық орталық және студенттерге қызмет ету орталығы студенттер игілігі үшін қызмет жасап отыр. Университет көптеген шетелдік жоғарғы оқу орындарымен бірлесе жұмыс жасайды. Егер ұстаз өз пәнін жан-тәнімен жақсы көрмесе, оның негізгі білімді жеткілікті түрде білім алушыға беруі мүмкін емес. «Еліміздің ертеңі – бүгінгі жас ұрпақтың қолында, ал жас ұрпақтың тағдыры – ұстаздың қолында», - деп тұңғыш Елбасымыз Н.Ә.Назарбаев айтқандай әр ұстаз өзінің білімін үздіксіз көтеріп отыруға тәжірибелі. Университетіміздің физика-техникалық факультетінде, теориялық және ядролық физика кафедрасында өзіме білім берген аяулы ұстаздарым жас ұрпаққа әлі де тәлім-тәрбие беріп еңбек етуде. Атап айтар болсам Е.М.Абишев, Ф.Б.Белисарова, О.Иманбеков, Г.С.Нурбакова сынды асыл ұстаздарыммен мақтанамыз» - деп, сөзімді қорытындылағым келеді.

Дәукен Құралай, Жуманов Мерген Амирович

СЕНІҢ БҮГІНІҢ - ЕРТЕҢНІҢ БЕІНЕСІ

Өңгімеіміздің басын бітіруші түлектердің дайындығынан бастасақ,

Сыйлағанды еш ойланбай сен сыйла,

Әр уақытта болашақты көп ойла.

Қалауыңа түсің келсе, бұл уақыт

ҰБТ-дан жоғарғы ұпай сен жина! - деп бір кездерде, мақсат қойған, қаншама жас бүгінгі таңда ЖОО-дарында өз білімдерін алуда. Өңгімеіміздің жалғасын, сондағы қызықтарға берсек.

Біз әл-Фараби атындағы Қазақ Ұлттық Университетінің студенттеріміз. Бізбен бірігіп осы тақырып аясында біраз өткенге көз жүгірткен біздің ұстазымыз да бар. Енді осы тақырыпқа байланысты өз ойымызды ортаға салсақ.

Оқуға түскеннен кейін, біз біраз адамдармен таныстық, біраз жаңа достар таптық. Енді сөзді көбейтпей сол достар жайында өңгіме өрбітсек. Әрине, көпке топырақ шашқымыз келмейді, бірақ өмірде түрлі адамдар бар екен. Біздің жақын бір досымыз болды. Есімі жұмбақ болып қала берсін. Студенттік уақыттың қызықты шақтарын сонымен бірге бөлістім десем артық болмас, тек студенттік уақыт қана емес, мектептегі уақытта да біз жақын дос едік, мамыр айына дейін. Өмірде неше түрлі достарды көресің, бірі сені алдап кетсе, енді бірі сатып кетеді. Бірақ менің бүгінгі айтпағым ол емес. Бүгін мен өзіме қымбат болған бір досым жайында айтпақпын. Біз мектеп уақытының дос едік. ЖОО-на Алматыға бірге түстік, тек әртүрлі оқу орны болатын. Менің әлі есімде, он бірінші сыныпты бітірерде болды енді араласа алмаспыз деп, екі бөлініп кет-

кенбіз, бірақ бір қалада болғандықтан, қайтадан достығымыз өз жалғасын тапты. Қызығы сол, біз былтыр бір үйде тұрдық. Бір нанды бөліп жеп, қиын кезде бір-бірімізге демеу болдық. Осылай қаншама уақыттар өтті. Қарап отырсам, мендегі қызықты студенттік уақыт сол жылы болған тәрізді. Арада біраз уақыт өтті. Біз тек дос емес, туған бауырдай болдық. Ол менің ағам, мен оның інісі секілді нағыз бауырға деген қамқорлық бізді көрінетін еді. Осылай қанша уақыт өтті. Әлі есімде олар үйлеріне қыста кеткен уақыттарында мен үйде өзім қала алмадым. Ол досым енді жоқ секілді болып көрінді. Араға біраз уақыт салып, олар қайта келді. Әрине, мен есігімде оларға айқара аштым. Бірақ бұл жолы басқа адам едім. Оларды бұрынғыдай бауыр деп сырт көзге қабылдамасамда, іштей сол баяғы көңіл еді. Неге олай жасадым, оны әлі күнге білмеймін. Осылай біраз уақыт өтті. Мен ол бауырыма небір көңілге келер сөздер айттым. Не керек бір күні, мамыр айының тоғызыншы жұлдызы үлкен даудың шығуына себеп болды. Ол күнгі мендегі әрекетті айтуға мүлдем болмас. Осылай біздің достығымыздың, сонша уақыттық бауырмашылдығымыздың бір бөлігі де қалмады. Міне, осылай біздің арамыз үзілді.

Біздің мұнымен айтқымыз келетіні, жақын досыңыздың адалдығына сенімді болсаңыз, оның көңілін қалдырудан абай болыңыз!

Садирова Аружан, Түзел Аяжан,
Бошкаев Қуантай

БІЗДЕГІ БІЛІМ БЕРУ ЖҮЙЕСІ

Еліміздің білім ортасы, яғни, білім мекенінің альма-матері, қарашаңырағымыз әл-Фараби атындағы Қазақ ұлттық университетінің іргетасына бүгінде 83-жыл толып отыр. Әл-Фараби атындағы ҚазҰУ үшін соңғы жылдар өте табысты болды. Ең басты айта кетерлік жайт бүгінде университетіміз әлемдік «World University Rankings QS» (Ұлыбритания) беделді рейтингтік агенттігінің зерттеу қорытындылары бойынша 207-орыннан көрініп, әлемнің 250 үздік университеті қатарына енген жайы бар. Айта кетерлігі, бұл топқа ТМД елдерінен екі жоғарғы оқу орны, яғни, Ломоносов атындағы ММУ мен әл-Фараби атындағы ҚазҰУ ғана кірді. Осылайша қазақстандық білім мекенінің альма-матері Орталық Азия мен ТМД-дағы теңдессіз көшбасшы екенін тағы да дәлелдеді.

Шетелдік рейтингтегі ғылыми журналдарда жарияланған қазақстандық әрбір үшінші мақала ҚазҰУ ғалымдарына тиесілі. Мемлекеттік-жеке серіктестер негізінде бірегей нысандар салынып, университет кампусының инфрақұрылымдық құрылыстар жүргізіліп келеді. Әл-Фараби атындағы ҚазҰУ соңғы он жылдан бері ғылымға деген құлшынысы асқан. Қазірде ғылыммен айналысқысы келетін студенттер үшін жылда дәстүрлі түрде әлемдік деңгейдегі «Фараби әлемі» сияқты конференция, форумдар ұйымдастырылып отырады. Инновациялық жобалар мен ғылым саласына жаңалықтар ашуға тырысатын студенттер үшін жаратылыс тану бағытындағы факультеттерде бизнес-инкубаторлар ұйымдастырылған. Сонымен қатар, қазірде университеттің жеке технопарк өз қызмет жасауда. Соңғы жылдары Әл-Фараби атындағы ҚазҰУ көптеген шетелдік университеттермен біріге отырып, әр-түрлі ғылыми проектер мен бірлескен білім беру бағдарламалары ұйымдастырылуда. 2009 жылдан бастап ҚазҰУ-да заман талабына сай, маңызды магистратура мамандықтары бойынша қос дипломды магистрлік білім беру бағдарламалары жүзеге асырылуда. Әл-Фараби атындағы ҚазҰУ қос магистрлік бағдарламаларды іске асыру мақсатында таяу және алыс шетелдік жетекші жоғары оқу орындарымен келісім шарт жасасты.

Бекболат Айбала, Жакин Нурлан Сабитович

СЫРҒА ТОЛЫ СТУДЕНТТІК ӨМІР

Студенттік өмір – әр адамның өміріндегі энергияға толы, өмірді тану мен білімді толықтырудың ұмытылмас кезеңі. Бұл жаңа шылулар, танысулар, әсерлердің уақыты. Студенттік өмір тек қана оқумен шектеліп қалмауы керек, сонымен қоса өзінді және қабілеттеріңді әртүрлі бағыттарда көрсете алуға тамаша мүмкіндіктерді жіберіп алмау керек. Әл-Фараби атындағы ҚазҰУ-да бұл үшін барлық жағдайлар жасалынған. Мысалға университетіміздегі жастар ұйымдар жөніндегі комитетті алуымызға болады Әл-Фараби атындағы ҚазҰУ жастары – университетке деген махаббатты көздерінен көруге болатын студенттер ғана емес, сонымен қоса биік шыңдарды бағындырғысы келетін әрбір адамға орын табылатын жеке әлем.

Студенттік өмірді құр босқа өткізбес үшін, жаңа орынға үйренісіп, жаңа адал достар тауып, мүмкіндігінше тезірек бейімделу қажет. Алайда бірінші курс студенттерінде жаңа оқу орнына, жаңа орын ерекшеліктеріне, жаңа танысуларға бейімделуде қиыншылықтар туындауы мүмкін. Мұның барлығы бірінші курстарда әлі де жауапкершіліктің қалыптаспағандықтан, олардың оқушы өмірде қалыптасқан өзара көмек пен рухани қолдауларға үйреніп қалғандықтан болады. Сонымен қоса мұның барлығына мамандық таңдаудағы сенімсіздік, оған дейінгі жеткіліксіз психологиялық дайындық; психологиялық өзін реттеп тәртібі мен әрекетті жүзеге асыра алмау, оқытушылардың күнделікті бақылауының болмауы; жаңа жағдайда тиімді еңбек режимі мен демалысты іздеуде; үй жағдайынан жатақхана жағдайына көшкенде күнделікті тұрмыс тіршілігі мен өз-өзіне қызмет етуді жүзеге асыруда; өзіндік жұмыстарды орындаудаға икемділік, консект жаза алмау, жаңа білім көздерімен, сөздікпен, анықтамалар мен сілтемелермен жұмыс істей алмау факторлары әсер етеді.

Студенттік орта заң бойынша жаңа және адал достар іздеудегі ең жақсы мекен болып табылады. Әрбір адам университетке ешкімді танымастан және көбінесе өзін жалғыз сезініп түседі, бірақ мектептегі бірінші сыныптан айырмашылығы университеттің бірінші курсына біз өзіндік тұрақты принциптары мен өзіндік ойы, қызығушылығы бар қалыптасқан тұлға ретінде түсеміз. Сондықтан келісіңіз, әрдайым нені іздейтініңізді білетін болсаңыз, іздеу сізге оңайға түседі. Сонымен қоса студенттер топтарында бір жас ерекшелігі басымрақ болады, оның үстіне мамандыққа сәйкес бір типтік оқу бағдарламасымен оқыған кезде қызығушылықтары сәйкес келетін адамдарды кездестіру қиынға соқпайды. Жаңа достарды табу барысына жатақханада әсер етуі мүмкін.

Әл-Фараби атындағы ҚазҰУ барлық бірінші курс студенттерін жатақханамен толықтай қамтамасыз етеді. 81000 шары шақырым ҚазҰУ қалашығында қазіргі заманауи нормативті-техникалық талаптарға сәйкес, 5000 аса студенттер тұратын ыңғайлы 14 студенттер үйі (жатақхана) орналасқан. Кез келген студенттер үйінде Сізде факультет пен оқу мамандығына тәуелсіз үйдің жылуы мен жылы атмосфера күтеді.

Жатақханада тұратын студенттердің тәртібі мен мәселелерін шешу мақсатында арнайы студенттердің өз-өзін басқару органы – іс-шараларды ұйымдастыру мен студенттерді орналастыру процесімен айналысатын жатақхананың Жоғар Студенттік кеңесі қызмет етеді.

Сейтқұл Ләззат, Рамадин Муслима, Рыспаева Майя